

## KUDDE: SKEMAPOLIS

### OMSKREWE GEBEURTENISSE

Die Maatskappy sal die Versekerde skadeloos stel teen die volgende gebeurtenisse:

1. Dood of vernietiging van die lewendehawe in die Bylae gemeld, die eiendom van die Versekerde gedurende die tydperk van versekering wat direk ontstaan deur enige van die volgende gevare:
  - (a) Brand, weerlig of ontploffing met insluiting van
  - (b) Storm, wind, water, hael of sneeu
  - (c) Verkluming maar uitgesonderd verlies of skade wat voortspruit uit die daling van temperatuur wat nie gepaard gaan met storm, wind, water, hael of sneeu nie.

MET DIEN VERSTANDE DAT:

geen dekking met betrekking tot hierdie Omskrewe Gebeurtenisse 1, van krag sal wees binne die eerste 7 (sewe) dae vanaf aanvang van dekking van toepassing op 1 (a), 1 (b) of 1 (c) hierbo nie.

2. Verlies van of skade wat voortspruit uit die vrekke van die versekerde lewendehawe in die Bylae beskryf die eiendom van die Versekerde terwyl in transito na of van enige skeerlokaal in of op enige vervoermiddel te pad direk veroorsaak deur brand, botsing en omslaan van die vervoermiddel beperk tot 'n maksimum bedrag van R50 000 (vyftigduisend rand) ten opsigte van enige enkele gebeurtenis.

MET DIEN VERSTANDE DAT:

- (i) die Maatskappy se aanspreeklikheid in terme van Omskrewe Gebeurtenisse (1) en (2) hierbo beperk is tot hoogstens R1 000 (eenduisend rand) per enige enkele skaap en R250 (tweehonderd en vyftig rand) per enige enkele lam.
- (ii) die Maatskappy se aanspreeklikheid in terme van Omskrewe Gebeurtenisse (1)(a), (b) en (c) beperk is tot 'n maksimum bedrag van R1 000 000 (eenmiljoen rand) ten opsigte van enige enkele gebeurtenis.

### BESONDERE UITSONDERINGS

Die Maatskappy sal nie aanspreeklik wees nie vir verlies wat die gevolg is van of voortspruit uit:

1. vertrapping of versmoring wat tot gevolg het vrekke of vernietiging terwyl in transito in of op enige vervoermiddel;
2. vrekke of vernietiging van lewendehawe wat nie behoort aan of in trust gehou word deur of wat in bewaring of onder die beheer van die Versekerde of enige werknemer of agent van die Versekerde is;
3. enige verlies of skade, kostes, uitgawes direk of indirek voortspruitend uit aanhouding, konfiskering, verbeurdverklaring, beslaglegging of rekwisisie wettiglik uitgevoer deur doeanas, SA Polisie Diens, misdaadvoorkomingseenhede of ander beamptes of owerhede;
4. slag van lewendehawe sonder die toestemming van die Maatskappy behalwe in die geval waar 'n versekerde dier 'n besering opgedoen het veroorsaak deur 'n versekerde gevaar wat vereis dat die dier om menslikheidsoorwegings sonder versuim geslag moet word

MET DIEN VERSTANDE DAT:

die Maatskappy die geleentheid gebied word om na sy keuse 'n nadoodse ondersoek deur 'n veearts van sy keuse te laat doen;

5. gevolglike verlies van enige aard hoegenaamd;
6. verlies of skade opgedoen terwyl enige voertuig bestuur word deur:
  - (i) die Versekerde terwyl die Versekerde onder die invloed van bedwelmende drank of verdowingsmiddels is (tensy dit toegedien of voorgeskryf word deur en geneem word in ooreenstemming met die voorskrifte van 'n lid van die mediese beroep behalwe hyself/haarself) of indien die Versekerde se bloedalkoholpersentasie die statutêre perk oorskry tydens die gebeurtenis of terwyl nie gelisensieer is om sodanige voertuig te bestuur nie;
  - (ii) enige ander persoon met die algemene toestemming van die Versekerde wat na wete van die die Versekerde onder die invloed van bedwelmende drank of verdowingsmiddels is (tensy dit toegedien of voorgeskryf word deur en geneem word in ooreenstemming met die voorskrifte van 'n lid van die mediese beroep behalwe hyself/haarself) of indien sodanige persoon se bloedalkoholpersentasie die statutêre perk oorskry tydens die gebeurtenis of nie gelisensieer is om sodanige voertuig te bestuur nie maar dit is nie van toepassing nie indien die Versekerde onbewus was dat die bestuurder ongelisensieer is en indien die Versekerde tot bevrediging van die Maatskappy kan bewys dat daar in die normale loop van sy/haar besigheid prosedures ingestel is om te verseker dat slegs gelisensieerde bestuurders toegelaat word om versekerde voertuie te bestuur

**MET DIEN VERSTANDE DAT:**

enige bestuurder geag word gelisensieer te wees om die voertuig te bestuur, indien hy voldoen aan die lisensiewette met betrekking tot enige van die grondgebiede waarna in die gebiedsgrense in Besondere Uitsondering 8 verwys word, of indien daar nie aan enige lisensiewet voldoen word nie bloot vanweë versuim om enige lisensie wat onderworpe is aan periodieke hernuwing, of indien 'n lisensie nie vereis word deur 'n wet nie of terwyl sodanige bestuurder leer bestuur en voldoen aan die wette met betrekking tot leerlingbestuurders;

7. verlies of skade as gevolg van Kaping/Skaking of enige poging daartoe van die versekerde eiendom;
8. verlies van of skade aan eiendom buite die Republiek van Suid-Afrika en Namibië.

<b>BESONDERE VOORWAARDES</b>
------------------------------

**1. GOEIE KONDISIE**

Lewendehawe in die Bylae beskryf moet almal in goeie kondisie en volmaak gesond en vry van besering wees by die aanvang van hierdie versekering.

**2. VREKTES VAN LEWENDEHAWE**

By vrektes van enige dier beskryf in die Bylae sal die Versekerde die Maatskappy onmiddellik daarvan verwittig en die Maatskappy 'n geleentheid gee om die karkas te ondersoek deur nie daaraan te sny of daarmee weg te doen voor die verstryking van minstens 24 (vier en twintig) uur nadat sodanige kennisgewing deur die Maatskappy ontvang is nie. Die Versekerde sal op sy eie koste binne 14 (veertien) dae nadat hy versoek is om dit te doen, aan die Maatskappy sodanige inligting verstrek, gepaard met sodanige veeartsertifikate en bevredigende bewyslewering ten opsigte van vrektes, identiteit en waarde van die dier as wat die Maatskappy mag vereis. Die las om te bewys dat 'n versekerde dier nie gevrek het aan 'n oorsaak wat in hierdie Afdeling uitgesonder word nie sal op die Versekerde rus. Indien die eis erken word, sal die Versekerde op die voordeligste manier van die karkas ontslae raak en die bedrag wat daardeur ingewin word, sal aan die Maatskappy behoort

**MET DIEN VERSTANDE DAT:**

in gevalle van eise vir lewendehawe deur weerlig:

- (a) met die indien van 'n eis die Versekerde die Maatskappy van 'n beëdigde verklaring voorsien;
  - (i) om te bevestig dat die dier(e) inderdaad deur weerlig gedood is

- (ii) waarin die volle aantal diere wat in die Versekerde se besit is, asook die volle aantal diere wat nie behoort aan of in trust gehou word deur of wat in bewaring of onder die beheer van die Versekerde of enige werknemer of agent van die Versekerde is, ten tye van die verlies verklaar word

(b) alle eise bo R5 000 (vyfduisend rand) onderhewig is aan 'n gepaardgaande veeartsverslag.

### **3. ONDERVERSEKERING TEN OPSIGTE VAN GETALLE**

Indien ten tye van verlies van die lewendehawe soos verseker onder hierdie Afdeling deur enige van die gevare hierdeur verseker, die getal van die diere meer is as die getal wat verseker is, word die Versekerde as sy eie versekeraar vir die verskil beskou. Elke item, indien meer as een, is afsonderlik aan hierdie Besondere Voorwaarde onderworpe

MET DIEN VERSTANDE DAT:

die Versekerde dienoreenkomstig na verhouding 'n eweredige deel van iedere en elke verlies self dra.

### **4. EERSTE BEDRAG BETAALBAAR**

Die Versekerde sal verantwoordelik wees vir die ondervermelde Eerste Bedrag Betaalbaar in geval van elk en iedere eis van toepassing op die volgende gebeurtenisse:

- (a) Weerlig ingevolge Omskrewe Gebeurtenis 1.(a)
  - (i) van toepassing op die areas gemerk rooi, pienk en blou – 10% (tien persent) van iedere en elke eis onderhewig aan 'n minimum van R5 000 (vyfduisend rand)
  - (ii) van toepassing op enige area ander dan ooreenkomstig (a) (i) hierbo – 10% (tien persent) van iedere en elke eis onderhewig aan 'n minimum van R500 (vyfhonderd rand)
- (b) Verkluming ingevolge Omskrewe Gebeurtenis 1.(c) – R20 000 (twintigduisend rand) van iedere en elke eis.
- (c) Transito – 10% (tien persent) van iedere en elke eis onderhewig aan 'n minimum van R1 000 (eenduisend rand)

### **5. BRANDBLUSKOSTE (SLEGS VAN TOEPASSING TEN OPSIGTE VAN TRANSITO)**

Enige koste wat verband hou met die blus of bestryding van brand, word geag skade aan die versekerde eiendom te wees en is betaalbaar benewens enige ander betaling waarvoor die Maatskappy ingevolge hierdie Afdeling aanspreeklik mag wees met dien verstande dat die Versekerde regtens aanspreeklik is vir sodanige koste en die versekerde eiendom deur brand bedreig is.

MET DIEN VERSTANDE DAT:

die Maatskappy se aanspreeklikheid nie R10 000 (tienduisend rand) sal oorskry nie

### **6. PUINVERWYDERING (VAN TOEPASSING OP TRANSITO)**

Die versekering ingevolge hierdie Polis sluit koste in wat noodsaaklikerwys deur die Versekerde aangegaan word ten opsigte van die opruim en verwydering van puin na die skade aan die vervoermiddel of die eiendom daarop, onderworpe aan 'n maksimum perk van R10 000 (tienduisend rand) ten opsigte van enige Omskrewe Gebeurtenis.

### **7. VEEARTSENYKUNDIGE BEHANDELING (BESERING VEROORSAAK DEUR BRAND ALLEENLIK)**

Hierdie Afdeling dek die redelike kostes aangegaan deur die Versekerde vir veeartsenykundige behandeling as gevolg van 'n besering opgedoen deur enige versekerde dier(e) onder hierdie Afdeling veroorsaak deur brand

MET DIEN VERSTANDE DAT:

- (a) dit ekonomies is om veeartsenykundige behandeling te verkry
  - (b) die veeartsenykundige behandeling toegedien is deur 'n gekwalifiseerde veearts en gesertifiseer is deur hom / haar as noodsaaklik alleenlik as gevolg van die besering wat veroorsaak is deur brand en wat uitgevoer is in 'n poging om die dier(e) se lewe te behou
  - (c) hierdie veeartsenykundige uitgawes sluit nie enige uitgawes in wat aangegaan is deur die Versekerde soos genoem onder Besondere Voorwaarde 2 van hierdie Afdeling nie
  - (d) die Maatskappy se aanspreeklikheid sal nie 20% (twintig persent) van die bedrag op risiko vir die beseerde dier(e) ten tye van die voorval of R5 000 (vyfduisend rand), in totaal per enige enkele gebeurtenis oorskry nie
  - (e) sou die besering vrekte tot gevolg hê of in die geval waar die versekerde dier in 'n buitengewone pynlike siektetoestand verkeer en 'n gekwalifiseerde veearts sertifiseer dat dit so ondraaglik is dat dit gebiedend is dat die dier om menslikheidsoorwegings sonder versuim geslag moet word, nadat 'n poging aangewend is om die dier se lewe te behou, sal die bedrag betaalbaar onder hierdie Uitbreiding afgetrek word van die bedrag betaalbaar vir die verlies as gevolg van dood of vernietiging.
8. Vir doeleindes van dekking in terme van hierdie Polis word die oorgang van 'n lam na 'n skaap geag plaas te vind vanaf die oomblik wat sodanige diere geskeer kan word.